

KJKP „VODOVOD I KANALIZACIJA“ d.o.o. SARAJEVO
DIREKTOR
Izvod broj: KZ 119/18

Sarajevo, 15. 11. 2018 godine

Na osnovu člana 69. stav (2) tačka d) i člana 70. stav 1. 4. i 6. Zakona o javnim nabavkama („Sl. glasnik BiH“ br. 39/14), člana 27. Pravilnika o nabavci roba, vršenju usluga i ustupanju radova KJKP "Vodovod i kanalizacija" d.o.o. Sarajevo i člana 41. Statuta preduzeća, na preporuku Komisije za javnu nabavku broj KZ 119/18 od 01.11.2018. godine, u postupku javne nabavke br. **KZ 119/18 - „Izrada i dorada mašinskih dijelova“** donosi se :

O D L U K A

o poništenju postupka javne nabavke

Član 1.

Poništava se postupak javne nabavke broj **KZ 119/18** za nabavku usluga: „**Izrada i dorada mašinskih dijelova**“ iz razloga što **nijedna od primljenih ponuda nije prihvatljiva a sve u skladu sa odredbama člana 69. stav (2) tačka d) ZJN.**

Član 2.

Ova odluka objavit će se na web stanici: www.viksa.ba istovremeno s upućivanjem ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama.

Član 3.

Ova odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, u skladu sa članom 71. stav 2. Zakona o javnim nabavkama.

O b r a z l o ž e n j e

Postupak javne nabavke pokrenut je Odlukom o pokretanju postupka javne nabavke broj: KZ 119/18 od 04.10.2018.godine. Procijenjena vrijednost javne nabavke bez PDV-a iznosi: 15.000,00 KM a ista je planirana u Planu nabavke za 2018. godinu pod rednim broj 338. Javna nabavka je provedena putem konkurentskog zahtjeva. Obavještenje o nabavci broj 247-7-2-253-3-346/18 objavljeno je na Portalu javnih nabavki dana 15.10.2018. godine. Komisija za javnu nabavku je imenovana Rješenjem br. 18-12-01/17 od 18.12.2017 godine, Rješenjem br. 23-02-01/18 od 23.02.2018.godine i dopunskim Rješenjem br. KZ 119/18-1 od 04.10.2018.godine.

Nakon pregleda i ocjene pristiglih ponuda Komisija za javnu nabavku je dana: 09.11.2018. godine, dostavila Preporuku o poništenju postupka javne nabavke za nabavku usluga: „Izrada i dorada mašinskih dijelova“- tender br. KZ 119/18.

Komisija za javnu nabavku je sačinila Zapisnik o pregledu i ocjeni ponuda u kojem je utvrđeno sljedeće:

Komisija je konstatovala da je na osnovu Obavještenja o nabavci broj 247-7-2-253-3-346/18 od 15.10.2018. godine. proveden postupak javne nabavke putem konkurentskog zahtjeva za dostavu ponuda, te je izvršeno javno otvaranje ponuda dana: 30.10.2018.godine u 13:45 sati, a što je konstatovano zapisnikom sa otvaranja ponuda br. KZ 119/18.

Za predmetnu javnu nabavku dostavljena je jedna (1) ponuda ponuđača:

1. Ponuđač: „IAT STANDARD“ d.o.o. TREBINJE.

Navedeni ponuđač je preuzeo tendersku dokumentaciju sa portala javnih nabavki i samim tim ostvario pravo učešća u postupku.

Dostavljanje zapisnika sa otvaranja ponude izvršeno je prema ponuđaču u zakonskom roku.

Nakon izvršenog otvaranja ponude Komisija je dana: 30.10.2018.godine pristupila pregledu i ocjeni pristigle ponude u formalnom smislu: oblika ponude (numeracija, uvezivanje i dr.), cjelovitosti odnosno potpunosti ponude.

Komisija je utvrdila da dostavljena ponuda ponuđača „IAM Standard“ d.o.o. Trebinje ispunjava zahtjevane tenderske uslove prema obliku i potpunosti u smislu pripreme ponude.

Pregledom ponude koja je zadovoljila uslove u formalnom smislu, Komisija je pristupila analizi dokumentacije priložene uz ponudu u smislu provjere kvalifikacije ponuđača, obzirom na iskazane zahtjeve ugovornog organa u tenderskoj dokumentaciji i konstatovala sljedeće:

R.br.	Zahtjevana kvalifikaciona dokumentacija	Ponuđač : „IAT Standard“ d.o.o. Trebinje
1.	Tačka: 13 TD: Izjava o ispunjenosti uslova iz člana 45. stav (1) tačaka od a) do d) Zakona o javnim nabavkama – Aneks IV; Prilog 3.	Da
2.	Tačka: 14.2 TD Ponuđač je dužan u svrhu dokazivanja tehničke i profesionalne sposobnosti ispuniti sljedeće uslove: a.) da ima angažovano tehničko osoblje (za koje se ne zahtjeva da su zaposleni kod ponuđača) u cilju definisanja i izrade tehničko-tehnološke dokumentacije, izrade dijelova, te vršenja kontrole u toku i nakon proizvodnog procesa i to: 1) Mašinski inženjer, VSS- smjer mašinski proizvodni inženjering 2) Tehnolog, VSS- mašinskog smjera 3) Kontrolor, KV 4) Tokar, KV/ VKV 5) Glodač, KV/ VKV 6) Radnik na brusilici, KV/ VKV 7) Radnik na mašini za poliranje, KV 8) Radnik na termičkoj obradi, KV/ VKV. b.) da je tehnički opremljen i osposobljen za izvršenje usluga iz opisa predmeta nabavke, na sljedeći način: 1) da posjeduje tokarske strojeve- strugove (fino i grubo tokarenje) sa kvalitetom obrađene površine do N8 i obradu materijala s kvalitetom iz opisa predmeta nabavke (1.4057,	Dostavljena izjava ali nije popunjena u skladu sa zahtjevima iz tenderske dokumentacije

R.br.	Zahtjevana kvalifikaciona dokumentacija	Ponudač : „IAT Standard“ d.o.o. Trebinje
	<p>1.4571, 1.4021; 1.4024. ili 1.4462.);</p> <p>2) da posjeduje glodalicu (fino i grubo glodanje) za obradu radnih komada sa kvalitetom obrađene površine N8 i N7 (čahura, piksni) i obradu materijala sa kvalitetom iz opisa predmeta nabavke;</p> <p>3) da posjeduje brusilicu za okruglo i ravno brušenje sa kvalitetom obrađene površine N6 i obradu materijala s kvalitetom iz opisa predmeta nabavke;</p> <p>4) da posjeduje mašinu za poliranje sa kvalitetom obrađene površine N6 i N5 i kvaliteta materijala iz opisa predmeta nabavke;</p> <p>5) da posjeduje mašinu za izradu ozubljenja sa finim brušenjem radnog komada kvalitetom obrađene površine N6 i kvaliteta materijala iz opisa predmeta nabavke;</p> <p>6) da posjeduje peći za termičku obradu (poboljšanje i cementacija), tj. mogućnost izvođenja poboljšanja na materijalima iz opisa predmeta nabavke.</p> <p>U svrhu dokazivanja gore navedenih uslova pod tačkom a) i b) potrebno je dostaviti:</p> <p>- Izjavu o ispunjenosti uslova iz čl. 50 ZJN (Tehnička i profesionalna sposobnost u postupku nabavke usluga) – Aneks V, Prilog 4. tenderske dokumentacije, popunjenu i ovjerenu od strane ponuđača.</p> <p>Napomena: Potrebno je da ponudač prilikom popunjavanja Izjave o ispunjenosti uslova iz člana 50. tačke: c), d), e) i g) (Tehnička i profesionalna sposobnost u postupku nabavke usluga) Zakona o javnim nabavkama, zaokruži tačke c) i e).</p> <p>U okviru dijela Izjave: „Navedi precizne podatke vezane za zahtjeve iz tenderske dokumentacije“ potrebno je da ponudač detaljno i precizno opiše ispunjenost postavljenih uslova – (navesti precizne podatke o tome čime raspolaže ponudač u sklopu postavljenih uslova).</p> <p>Izjava ne smije biti starija od 30 dana od dana predaje ponude, a ista mora biti potpisana i ovjerena od strane ponuđača.</p>	
3.	<p>Tačka 14.3 TD:</p> <p>Original ili ovjerena fotokopija Aktuelnog izvoda iz sudskog registra ovjerena od strane nadležnog organa – (Sud, Opština ili notar) ili Rješenja o registraciji ili ekvivalent odgovarajućeg dokumenta, koji nije stariji od tri mjeseca od dana izdavanja, a računajući od dana predaje ponude (Član 46. ZJN BiH), kojim se dokazuje da ponudač ima pravo na obavljanje profesionalne djelatnosti i/ili da je registrovan u relevantnim profesionalnim ili drugim registrima zemlje u kojoj je registrovan ili da osigura posebnu izjavu ili potvrdu nadležnog organa kojom se dokazuje pravo da obavlja profesionalnu djelatnost, koja je u vezi sa predmetom nabavke.</p>	Da

Pregledom ponude ponuđača „IAT Standard“ d.o.o. Trebinje, sa stanovišta postavljenih kvalifikacionih uslova, konstatovano je da dostavljena „Izjava o ispunjenosti uslova iz člana 50. ZJN“ nije popunjena u skladu sa zahtjevima iz tačke 14.2 tenderske dokumentacije.

U pomenutoj izjavi zaokružene su tačke c) i e) ali u okviru dijela „navesti precizne podatke vezane za zahtjeve iz tenderske dokumentacije“ nisu navedeni podaci čime ponuđač raspolaže u sklopu postavljenih uslova, te na ovaj način ponuđač nije postupio u skladu sa zahtjevima iz tačke 14.2 tenderske dokumentacije koji se odnose na način popunjavanja navedene izjave i to: „Potrebno je da ponuđač prilikom popunjavanja Izjave, zaokruži tačku c) i e) a u okviru dijela: "Navedi precizne podatke vezane za zahtjeve iz tenderske dokumentacije" potrebno je da ponuđač detaljnije i preciznije opiše ispunjenost postavljenih uslova – (navesti precizne podatke o tome čime raspolaže ponuđač u sklopu postavljenih uslova).

Obzirom na naprijed navedeno, komisija je konstatovala da ponuđač „IAT Standard“ d.o.o. Trebinje nije dokazao ispunjenost postavljenih kvalifikacionih uslova u formi i na način kako je to zahtjevano tenderskom dokumentacijom odnosno nije ispunio zahtjeve ugovornog organa tražene tenderskom dokumentacijom, te se ponuda ovog ponuđača odbacuje kao neprihvatljiva, a sve u skladu sa članom 68. stav (4) pod i) Zakona o javnim nabavkama.

Polazeći od gore navedenih konstatacija i činjenice da za predmetnu nabavku nijedna od primljenih ponuda nije prihvatljiva, Komisija je utvrdila da su ispunjeni uslovi iz člana 69. stav (2) tačka d) ZJN za poništenje postupka javne nabavke, te dala preporuku Ugovornom organu – ovlaštenom licu ugovornog organa da za predmetnu nabavku usluga : „**Izrada i dorada mašinskih dijelova**“ – tender broj **KZ 119/18** donese odluku o poništenju postupka javne nabavke.

Iz gore navedenih razloga, primjenom člana 69. stav (2) tačka d) ZJN (Sl. glasnik BiH br. 39/14), donesena je Odluka o poništenju postupka kao u članu 1. ove odluke.

Pouka o pravnom lijeku:

Protiv ove odluke može se izjaviti žalba, najkasnije u roku od 5 (pet) dana od dana prijema ove odluke.

Dostaviti:

-a/a

-ponuđač



Direktor

Azra Muzur, dipl.inž.grad.